



საქართველოს გაეროს და სოფლის მეურნეობის მინისტრი

ბრძანება N 2-412

16/05/2019

ქ. თბილისი

სენაკის მუნიციპალიტეტში, სოფ. ფოცხოში რეგისტრირებული კოოპერატივის, „აგროთემას“ სასოფლო-სამეურნეო დანიშნულების 78290 მ² მიწის ნაკვეთზე სასათბურე მეურნეობისთვის სარწყავი ქსელის (სამელიორაციო სისტემის) მოწყობის თაობაზე სკრინინგის გადაწყვეტილების შესახებ

რეგისტრირებული კოოპერატივის „აგროთემას“ მიერ, გზშ-ს ჩატარების საჭიროების დადგენის მიზნით საქართველოს გაეროს დაცვისა და სოფლის მეურნეობის სამინისტროში წარმოდგენილია სენაკის მუნიციპალიტეტის სოფელ ფოცხოში სასოფლო-სამეურნეო დანიშნულების 78290 მ² მიწის ნაკვეთზე ხეხილის ბაღის მოსარწყავად, სარწყავი (სამელიორაციო) სისტემის მოწყობის სკრინინგის განცხადება.

წარმოდგენილი დოკუმენტაციით დგინდება, რომ საპროექტო ტერიტორია მდებარეობს სენაკის მუნიციპალიტეტში, სოფ. ფოცხოში (საკადასტრო კოდი: 44.08.31.102).

სკრინინგის განცხადების მიხედვით, რკ „აგროთემას“ დაგეგმილი აქვს ხეხილოვანი კულტურების ბაღის მოშენება და ამ ბაღის წყალმომარაგების მიზნით მდ. გურძემიდან წყლის აღება. წყალაღების წერტილის GPS კოორდინატები: X- 269459; Y- 4697285. უახლოესი საცხოვრებელი პუნქტი საპროექტო ტერიტორიიდან დაშორებულია დაახლოებით 600 მეტრით, ხოლო წყალაღების კოორდინატებიდან 319 მეტრით.

წყალაღებისთვის გამოყენებული იქნება ელექტრო ტუმბო, საიდანაც 360 მ. სიგრძის, 200 მმ. დიამეტრის მქონე მილის საშუალებით მოხდება წყლის მიწოდება 4ტ. ტევადობის რეზერვუარისთვის, საიდანაც განხორციელდება მცენარეების მორწყვა. ტუმბოს სიმძლავრეა 25.0 მ³/სთ. გამოსაყენებელი წყლის სავარაუდო ჯამური რაოდენობა შეადგენს 1000 მ³-ს.

სამელიორაციო სისტემის მოწყობის ეტაპზე მილის პარამეტრების და საქმიანობის განხორციელების სპეციფიკის გათვალისწინებით მნიშვნელოვანი ზემოქმედება ნიადაგის ნაყოფიერ ფენაზე და გრუნტის ხარისხზე მოსალოდნელი არ არის. ვინაიდან სამუშაოს პროცესში არაა გათვალისწინებული სპეცტექნიკის გამოყენება, რამაც შესაძლებელია გამოიწვიოს ნიადაგის დაბინძურება საწვავით და ასევე, საზეთ-საპოხი მასალებით, სავარაუდოდ ადგილი არ იქნება მიწისა და გრუნტის წყლებზე რაიმე სახის ზემოქმედებას. პროცესში არ იგეგმება სამშენებლო ბანაკის მოწყობა.

ტუმბოს მუშაობის რეჟიმისა და მოსაპოვებელი წყლის რაოდენობის გათვალისწინებით, იქთიოფაუნაზე ზემოქმედება არ იქნება მნიშვნელოვანი.

სარწყავი (სამელიორაციო) სისტემის მოწყობის პროცესში სახიფათო და არასახიფათო ნარჩენები არ წარმოიქმნება.

საქმიანობის სპეციფიკიდან გამომდინარე ატმოსფერულ ჰაერში მავნე ნივთიერებების ემისიების გაფრქვევას ადგილი არ ექნება. ხმაურის გავრცელების წყაროს წარმოადგენს ელექტრო ტუმბო, რომლის სიმძლავრიდან და მისი განთავსების ადგილიდან უახლოეს საცხოვრებელ სახლამდე მანძილის გათვალისწინებით (319 მეტრი) ხმაურით გამოწვეული ზემოქმედება არ იქნება მნიშვნელოვანი.

დაგეგმილი საქმიანობის შედეგად კუმულაციური ზემოქმედების რისკი არ არსებობს. აღნიშნული საქმიანობის მიმდებარედ სხვა მსგავსი ტიპის საქმიანობა არ ხორციელდება.

სამელიორაციო სისტემის მოწყობის და ექსპლუატაციის ეტაპზე ავარიული სიტუაციებისა და კატასტროფების რისკი არ იარსებობს.

სკრინინგის განცხადების თანახმად საპროექტო ზონის სიახლოვეს კულტურული მემკვიდრეობის ძეგლები არ აღინიშნება.

ტექნოლოგიური პროცესის სპეციფიკიდან გამომდინარე, სარწყავის (სამელიორაციო სისტემის) მოწყობა და ექსპლუატაცია გარემოზე მნიშვნელოვან ზემოქმედებას არ გამოიწვევს.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის” მე-7 მუხლის მე-6 ნაწილის საფუძველზე

ვ ბ რ ძ ა ნ ე ბ

1. მიღებულ იქნეს სკრინინგის გადაწყვეტილება, რომ სენაკის მუნიციპალიტეტის სოფ. ფოცხოში რკ „აგროთემას“ სარწყავი (სამელიორაციო) სისტემის მოწყობის პროექტი არ დაექვემდებაროს გარემოზე ზემოქმედების შეფასებას;
2. რკ „აგროთემა“ ვალდებულია საქართველოს კანონის „გარემოსდაცვითი შეფასების კოდექსის” მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური რეგლამენტით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს რკ „აგროთემას“ ;
4. ბრძანება ძალაში შევიდეს რკ „აგროთემას“ მიერ ამ ბრძანების გაცნობისთანავე;
5. სკრინინგის გადაწყვეტილების მიღებიდან 5 დღის ვადაში აღნიშნული გადაწყვეტილება განთავსდეს სამინისტროს ოფიციალურ ვებგვერდზე და სენაკის მუნიციპალიტეტის აღმასრულებელი ორგანოსა ან/და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

გიორგი ხანიშვილი

მინისტრის მოვალეობის შემსრულებელი

A handwritten signature in blue ink, consisting of several fluid, overlapping strokes that form a stylized representation of the name Giorgi Khanishvili.